



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ ՊԵՏ
ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

Հ Ր Ա Մ Ա Ն



Թիվ 6-Ը

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ
ՈՍՏԻԿԱՆՈՒԹՅԱՆ ԾԱՌԱՅՈՂՆԵՐԻՆ (ԱՇԽԱՏՈՂՆԵՐԻՆ) ՊԱՐԳԵՎԱՏՐՈՒՄ ՏԱԼՈՒ
ԿԱՐԳԸ ԵՎ ՉԱՓԵՐԸ (ՑՈՒՑԻՉՆԵՐԸ) ՀԱՍՏԱՏԵԼՈՒ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՊԵՏԻ 2019 ԹՎԱԿԱՆԻ ՍԵՊՏԵՄԲԵՐԻ 11-Ի
ԹԻՎ 21-Լ ՀՐԱՄԱՆԸ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Հայաստանի Հանրապետության աշխատանքային օրենսգրքի 178-րդ հոդվածի և Հայաստանի Հանրապետության վարչապետի 2018 թվականի հունիսի 11-ի թիվ 751-Լ որոշմամբ հաստատված կանոնադրության 20-րդ կետի 8-րդ ենթակետի համաձայն՝

Հ Ր Ա Մ Ա Յ ՈՒ Մ ԵՄ

1. Հաստատել Հայաստանի Հանրապետության ներքին գործերի նախարարության ոստիկանության ծառայողներին (աշխատողներին) պարգևատրում տալու կարգը և չափերը (ցուցիչները)՝ համաձայն հավելվածի: -

2. Ներքին գործերի նախարարության ոստիկանության բարձրագույն խմբի ծառայողներին պարգևատրում լրիվ կամ մասնակի վճարվում է կամ պարգևատրումը չի վճարվում Հայաստանի Հանրապետության վարչապետի համաձայնությամբ: -

3. Ուժը կորցրած ճանաչել Հայաստանի Հանրապետության ոստիկանության պետի 2019 թվականի սեպտեմբերի 21-ի «Հայաստանի Հանրապետության ոստիկանության ծառայողներին (աշխատողներին) պարգևատրում տալու կարգը և չափերը (ցուցիչները) հաստատելու և Հայաստանի Հանրապետության ոստիկանության պետի 2019 թվականի մարտի 21-ի թիվ 3-Լ հրամանը ուժը կորցրած ճանաչելու մասին մասին» թիվ 21-Լ հրամանը:

4. Հրամանը ծանոթացնել իրավասու ծառայողներին (աշխատողներին):

ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ



Ա. ՀՈՎՀԱՆՆԻՍՅԱՆ

« 08 » — 02 — 2023թ.

քաղ. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ
ՈՍՏԻԿԱՆՈՒԹՅԱՆ ԾԱՌԱՅՈՂՆԵՐԻՆ (ԱՇԽԱՏՈՂՆԵՐԻՆ) ՊԱՐԳԵՎԱՏՐՈՒՄ ՏԱԼՈՒ
ԿԱՐԳԸ ԵՎ ՉԱՓԵՐԸ (ՑՈՒՑԻՉՆԵՐԸ)**

1. Ոստիկանության ծառայողներին (աշխատողներին) պարգևատրում տրվում է որակյալ աշխատանքի կամ հատուկ առաջադրանքների կատարման համար:

2. Ոստիկանության ծառայողներին (աշխատողներին) միանվագ դրամական պարգևատրումը համարվում է խրախուսանք, եթե հրամանում առկա է հղում «Ոստիկանությունում ծառայության մասին» օրենքի 41-րդ հոդվածի 1-ին մասի 2-րդ կետի կամ 60.25 հոդվածի 1-ին մասի 2-րդ կետի կամ Հայաստանի Հանրապետության աշխատանքային օրենսգրքի 219-րդ հոդվածի 1-ին մասի 2-րդ կետի վրա:

3. Միանվագ դրամական պարգևատրումը որպես խրախուսանք տրվում է առավել որակյալ (օգտակար) աշխատանքի կամ հատուկ առաջադրանքները գերազանց կատարելու համար:

4. Պարգևատրման տվյալ ֆոնդից ՀՀ ոստիկանության «ճանապարհային ոստիկանություն» ծառայության (վարչության իրավունքով), Երևան քաղաքի վարչության և նրան ենթակա տարածքային բաժինների (բացառությամբ Մետրոպոլիտենի պահպանության բաժնի) ծառայողներին (աշխատողներին) ամսական պարգևատրումներ հատկացվում են՝ պահպանելով մինչև 2023 թվականը յուրաքանչյուր ամիս հատկացվող աշխատանքի վարձատրության չափերը:

5. Պարգևատրումներ կարող են տրվել նաև աշխատավարձի ֆոնդի տնտեսված միջոցների հաշվին:

6. Ոստիկանության ծառայողներին (աշխատողներին), այդ թվում՝ պաշտոնը ժամանակավոր զբաղեցնողներին, պաշտոնի ներկայացուցչականության, կառավարչական որոշումներ ընդունելու և ենթակա ստորաբաժանումներում օրինականության վիճակի համար անձնական պատասխանատվություն կրելու հանգամանքներով պայմանավորված, սահմանվում են պարգևատրումների հետևյալ չափերը՝

1) գլխավոր վարչության, Երևան քաղաքի վարչության պետերին՝ 70000 դրամ,

2) գլխավոր վարչության պետի՝ 1-ին տեղակալին, տեղակալին, ինքնուրույն, այդ թվում՝ մարզային վարչությունների պետերին՝ 43000 դրամ,

3) ինքնուրույն և տարածքային բաժինների պետերին (այդ թվում՝ պարեկային ծառայության գնդի հրամանատարին)՝ 18000 դրամ:

7. Ոստիկանության մյուս ծառայողներին (աշխատողներին) տրվող պարգևատրումների չափերը որոշում են գլխավոր և ինքնուրույն վարչությունների, ինքնուրույն և տարածքային բաժնի պետերը՝ ստորաբաժանումներին հատկացվող սահմանաչափերի սահմաններում:

8. Ոստիկանության ստորաբաժանումներին հատկացվող պարգևատրման գումարների ընդհանուր սահմանաչափերը յուրաքանչյուր հաշվետու ամսվա համար մինչև հաշվետու ամսվան հաջորդող ամսվա 10-րդ օրը, իսկ դեկտեմբեր ամսվա համար մինչև տվյալ ամսվա 15-ը հաստատվում են Ոստիկանության պետ-ներքին գործերի նախարարի տեղակալի կամ նրա իրավասու տեղակալի հրամանով:

9. Ամսական պարգևատրումները յուրաքանչյուր հաշվետու ամսվա համար տրվում են մինչև հաջորդող ամսվա 15-ը, բացառությամբ դեկտեմբեր ամսվա, որի համար պարգևատրումը տրվում է մինչև դեկտեմբերի 25-ը:

10. Բյուջետային հատկացումների կարգադրիչ հանդիսացող ստորաբաժանումների պետերի հրամաններով պարգևատրվում են իրենց ենթակա ծառայողները (աշխատողները)՝ սույն հավելվածի 8-րդ կետով նախատեսված ժամկետներում:

11. Պարգևատրումները տրվում են սույն հավելվածի 8-րդ կետի համաձայն՝ առանձին ստորաբաժանումների համար հաստատված սահմանաչափերի սահմաններում:

12. Ոստիկանության զորքերի հրամանատարը իրավասու է մարտական հերթապահության մեջ ներգրավված ոստիկանության զորքերի ծառայողներին, բացի սույն հավելվածի 6-րդ կետով նախատեսված սահմանաչափից, լրացուցիչ պարգևատրել յուրաքանչյուրին 50000 (հիսուն հազար) դրամի չափով:

13. Ոստիկանության բոլոր ծառայողները (աշխատողները), անկախ զբաղեցրած պաշտոնից, կարող են լրացուցիչ պարգևատրում ստանալ, եթե իրենց գործուն աջակցությամբ կամ մասնակցությամբ կանխվել կամ բացահայտվել են դիտավորությամբ, ոչ ակնհայտ պայմաններում կատարված՝ սույն հրամանով նախատեսված ոչ մեծ, միջին ծանրության, ինչպես նաև ծանր կամ առանձնապես ծանր հանցագործություններ կամ հայտնաբերվել են դրանց կատարման համար հետախուզվող անձինք, կամ ծառայողի կողմից փրկվել է մարդու կյանք, կամ կանխվել է մարդու առողջությանը սպառնացող վտանգը, կամ ծառայողը նախագծել, մշակել, ներդրել է Ոստիկանության առաջանցիկ զարգացման, հանցագործությունների կանխարգելման համար նշանակալի ծրագրեր (տեղեկատվական տեխնոլոգիաների, իրավաստեղծ գործընթացի, ֆինանսական, տնտեսական, իրավական քարոզչության և այլ ոլորտներում):

14. Սույն հավելվածի 13-րդ կետով նախատեսված լրացուցիչ պարգևատրումները տրվում են հետևյալ չափերով.

1) առանձնապես ծանր հանցագործության, բնակարանային գողության (բազմադրվագ բնակարանային գողությունները դիտվում են մեկ դեպք) յուրաքանչյուր դեպքի բացահայտման կամ կանխման համար՝ մինչև 500000 (հինգ հարյուր հազար) դրամի չափով,

2) ծանր հանցագործության (բացառությամբ բնակարանային գողությունների), անձնական ունեցվածքի բազմադրվագ գողության, ՀՀ քրեական օրենսգրքի 435-րդ, 436-րդ և 437-րդ հոդվածներով նախատեսված հանցագործությունների բացահայտման

կամ կանխման համար՝ մինչև 250000 (երկու հարյուր հիսուն հազար) դրամի չափով, ընդ-
որում, նույն անձի /անձանց/ կողմից կատարված անձնական ունեցվածքի բազմադրվագ
գողության բացահայտման յուրաքանչյուր դրվագի համար վճարվում է 10000 (տասը
հազար) դրամի չափով, բայց ոչ ավելի, քան սույն կետով սահմանված առավելագույն
չափը,

3) ծանր կամ առանձնապես ծանր հանցագործությունների կատարման համար
հետախուզվող անձանց հայտնաբերման, ինչպես նաև սույն հավելվածի 13-րդ կետում
նշված մյուս յուրաքանչյուր դեպքում՝ մինչև 300000 (երեք հարյուր հազար) դրամի չափով,

4) ՀՀ քրեական օրենսգրքի 253-րդ հոդվածի 1-ին և 2-րդ մասերով, 257-րդ հոդվածի
2-րդ մասով, 258-րդ հոդվածի 1-ին մասով, 264-րդ հոդվածի 1-ին և 2-րդ մասերով, 297-րդ
հոդվածի 2-րդ մասով, 335-րդ հոդվածի 1-ին մասով, 396-րդ հոդվածի 2-րդ և 3-րդ
մասերով նախատեսված հանցագործությունների բացահայտման համար մինչև՝ 150000
(մեկ հարյուր հիսուն հազար) դրամի չափով:

15. Սույն հավելվածի 14-րդ կետով նախատեսված հիմքերով լրացուցիչ պարզևատրում
տրվում է Ոստիկանության պետ-ներքին գործերի նախարարի տեղակալի կամ նրա
իրավասու տեղակալի հրամանով՝ նրանց ուղղված զեկուցագրի հիման վրա, որը պետք է
պարունակի կոնկրետ հիմքը (դեպքը) նկարագրող, ծառայողների (աշխատողների) գործուն
մասնակցությունը (աջակցությունը) հիմնավորող պատճառաբանական մաս, ինչպես նաև
նրանցից յուրաքանչյուրի պարզևատրման կոնկրետ չափի վերաբերյալ առաջարկությունը:
Եթե պարզևատրման մասին զեկուցագիր ներկայացվում է Ոստիկանության առաջանցիկ
զարգացման, հանցագործությունների կանխարգելման ծրագրերի հիմքով, ապա դրանում
նշվում են նաև ծրագրի համառոտ նկարագրությունը և առկա նշանակալի արդյունքները: